

UNIVERSITI SAINS MALAYSIA

Peperiksaan Semester Pertama  
Sidang 1990/91

Oktober/November 1990

HMA 101 - Pengantar Pengajian Bahasa Malaysia

Masa: [3 jam]

---

Kertas Peperiksaan ini mengandungi LAPAN (8) soalan dalam TIGA (3) muka surat

Jawab SEMUA soalan.

1. SAMA ADA

- (a) Dengan melukis sebuah rajah yang lengkap nyatakan bagaimana anda mengujarkan bunyi / ŋ / disertai dengan contohnya sekali dan nyatakan bagaimana bunyi ini berbeza dengan bunyi letupan / g / (tidak perlu rajah untuk fonem / g /)

ATAU

- (b) Dengan memberi contoh tertentu nyatakan perbezaan di antara diftong dengan rentetan vokal yang lain.

(10 markah)

2. SAMA ADA

- (a) Apakah imbuhan dasar:

- i. pesakit  
ii. penyakit  
iii. persakit

dan nyatakan perbezaan imbuhan di antara ketiga-tiga perkataan tersebut.

ATAU

- (b) Imbuhan kurungan atau apitan KE.....AN dapat menghasilkan beberapa golongan perkataan terbitan.

- i. Nyatakan golongan perkataan tersebut.  
ii. Berikan lima contoh perkataan terbitan bagi setiap golongan.

(10 markah)

.../2

3. SAMA ADA

- (a) Pola ayat menurut Abdullah Hassan (1980), ada enam. Nyatakan ke enam-enam pola tersebut disertai dengan lima contoh ayat setiap pola.

ATAU

- (b) Nahu transformasi mengandungi komponen seperti yang berikut ini.

i. Komponen sintaksis

- a. struktur frasa  
b. leksikon

ii. Komponen transformasi

- a. komponen fonologi  
b. komponen semantik

Sila lukis di dalam bentuk rajah komponen tersebut secara lengkap.

(15 markah)

4. SAMA ADA

- (a) Lukis rajah pohon bagi ayat yang berikut ini.

Burung gagak hinggap di atas pokok

Tulis struktur frasa bagi ayat tersebut.

ATAU

- (b) Lukis rajah pohon bagi ayat yang berikut ini.

Pelajar itu membuat tugas kelmari.

Tulis struktur frasa bagi ayat tersebut.

(10 markah)

5. SAMA ADA

- (a) Berdasarkan segitiga makna yang dikemukakan oleh Ogden dan Richards (1947) sila huraikan segitiga makna tersebut dengan membuat perbandingan dengan teori S. Ullman (1957).

ATAU

- (b) Lukis sebuah rajah medan makna dan perlihatkan makna pusat dan yang semedan makna dengannya. Beri huraian terhadap rajah tersebut.

(15 markah)

6. SAMA ADA

- (a) Bahasa Melayu baku ialah wahana pemikiran untuk pengembangan budaya bangsa. Huraikan pernyataan tersebut dalam konteks realiti negara.

ATAU

- (b) Perbezaan dialek akan amat ketara selari dengan tahap pemisahan komunikatif di antara penuturnya. Huraikan.

(15 markah)

7. SAMA ADA

- (a) Menurut Miller 1964; Slobin 1974; Slama-Cazaku 1973, Simanjuntak (1987), psikolinguistik "merupakan satu ilmu yang cuba menghuraikan proses psikologi yang terjadi apabila seseorang mengucapkan ayat dan memahami ayat yang didengarnya pada waktu berkomunikasi".

Bincangkan ketepatan pernyataan tersebut.

ATAU

- (b) Pengalaman anda sebagai penutur bahasa menunjukkan bahawa terdapat perbezaan di antara pemerolehan bahasa pertama dengan bahasa kedua. Huraikan perbezaan tersebut dari konteks pemerolehan bahasa di Malaysia masa kini.

(15 markah)

8. SAMA ADA

- (a) Peranan yang dimainkan oleh Dewan Bahasa dan Pustaka sejak ia ditubuhkan pada tahun 1956 amat ketara sekali. Tanpa DBP perancangan bahasa Melayu tidak dapat berkembang seperti yang disaksikan sekarang. Bincangkan.

ATAU

- (b) Abdullah Hassan (1986) berkata "perancangan bahasa adalah suatu bidang bahasa yang berkembang demi menampung keperluan bahasa yang baru memegang peranan sebagai bahasa ilmiah".

Bincangkan pernyataan tersebut dari sudut keperluan bahasa Melayu sendiri.

(10 markah)